

儼塾集

卷之九

待

16  
1184  
9

東光經庫  
隨佛子

儼壑集卷之九 詩

酬和十三



次韻如松子有感 戊申歲

亭亭松柏不凋時。想見先生不世移。陋巷簞瓢顏子，  
意幽居藜藿杜陵詩。如松子本韻云。出處窮通各有時。何憂世事總推移。少陵不在

謫仙處。空捻吟髭。瘦入詩。

奉和家大人嚴韻 二首 並序

嚴君家大人賜七言妙絕。文字精密。詞意高奇。仰  
喜尊侯之安愉。伏勵稗子之素志。開闔幾度。不覺  
紙幣墨渝。吟誦數多。正識金聲玉韻。恭蒙慈誨。寔



渝

嚴壑集卷之九

荷鴻慈。且望頤養安。和得至道於丹臺。玉室冲虛  
恬淡。侔遐齡於大椿。蟠桃謹綴蕪詞。漫塵芳押。統  
祈昭覽。庚戌歲

正是丹楓霜葉節。長安日夜鄉思切。時聞清福欣無  
量。古調一篇唱白雪。

今日小春和暖節。訓辭示我尤親切。任他楓菊競紅  
黃。書窓欲慣孫康雪。

和答西尾昌春文並序

阿陽西尾昌春文賀余遊過。見示佳篇。瓊瑤難報  
陽春難和。既見君子。歌菁莪之詩。何日忘之。可賦

清按可下恐  
脫不字

隰桑之章。邂逅未久而許管鮑之義交。豈可以禿  
毫謝萬一乎。聊步韻礎云。

君贈好音賸。裁章無點埃。鬱葱霜後栢。芳潔雪中梅。  
爲客魚千里。遊春燕一回。別離應在近。長嘯碧江隈。

和答卽拙文

舊時樂道慕龐公。笑殺浮沉勞此躬。城市亦無塵累  
在。一心靜處自山中。

奉和家大人詠中秋無月壬子歲

今宵蒙昧雨風秋。顧視鄉園幾矯頭。明月有時不遮  
蔽。正知人事謹居由。

森田侗空翁退休後賦詩言志和其韻  
功成名遂身當退。致仕何期鬢髮斑。既罷趙張材器  
去肥遜居簡樂安閑。

中秋雨家大人詠和歌小子謹賦詩奉和丙辰歲  
不見清光苦我心。燈前相倚只呻吟。忽聞諷詠爭光  
句。胸次灑然思點琴。

和石尾介然子見惠韻癸亥歲

倏忽年華驚曉霜。又憂日短夜更長。閑來寥落衡茅  
下。忽見來詩驚麗章。雖有黃花何得賞。疾人扣門語  
聲狂。當時因勉救生業。日日往還幾百行。堪羨真成

修德藝。靜著文詞。執弄槍。武侯關羽見堂上。杜老謫  
仙連座傍。公復寄情徧京洛。我唯越境遊武藏。幸得  
塵裡成隱趣。胸中瀟洒一時康。

和答福田官益訪余病起

病來偏恨欠吟遊。嗟後初歡免苦憂。憑欄嘯風肌未  
耐。步庭詠月力猶柔。公精針術究俞穴。我閱醫方事  
製修。為訪閑居投妙語。卷中見盡五湖秋。

和大友梅竹塚主即興韻

冬來林景好。繼晷賞心寬。歌闋杯頻進。話闌燭纔殘。  
境間真意在。市遠俗情殫。座上驚佳句。新奇和亦難。

和梅竹墩王冬日邀客韻

偶爾隨同友。過廬此問安。屋後松聲響。塔前楓葉殘。  
爐防三冬冽。酒爲一日歡。不惟文郁郁。固見武桓桓。  
蕭灑弄泉石。孤芳愛菊蘭。近職含鷄舌。登進攀鵬翰。  
華鼓接門外。竹窓知歲寒。人傑馳名譽。里仁免世難。  
靜觀時屢變。默識物無殫。嘯傲風月美。占著水雲寬。  
樂遊思姑射。睡夢覺耶鄆。論高道彌遠。懷古想千般。  
優柔怡理順。存養得神完。君子勤修學。病身習服丹。  
恥才侔燕雀。羨德比虬鸞。麗藻徠賓客。新詩洗肺肝。  
欲報無瓊玖。吟哦到夜闌。

次韻中村伯行喜稻津氏至

青松綠竹景相因。冉冉和風悅可人。賓主從來京洛  
客。慇懃說盡錦城春。

奉和知足軒久我源公賜絕句二首

蘭芷流芳道義門。當時高仰典文存。曾收萬卷友賢  
聖。風月無邊獨樂園。  
居遠市朝君子門。玉山佳景畫圖存。好詩惠我千金  
賜。幾度馳情三徑園。

侍水戶城和答中村伯行惠絕句二首

鬱鬱金城映翠流。吟風嘯月促良遊。樓頭一望迷多

景詩拙，卻懼孤負秋。

日搜詩腸，臨水流。喜投佳句，助吟遊。無邊風物，孰先賞。荷馥仙波，湖上秋。

和伯行詩軸末韻 并簡

中村伯行秋時見惠奉和 大君尊韻詩一卷軸

末賦八句仄韻以見示。為僕時陪礪原旅舍私次芳韻。趁趨之間。忽失詩稿。其後久患日疾。些堪事務。物候已移。風氣惟異。今朝開櫃。忽得舊稿。喜歡一抃。於是繕寫以呈之。玄冬見秋詩。想當發笑耳。新句唱和。苦寫情。昔時雅興。如今矚。七月既望。賦書。

沙二十八首詩鳴玉欲言勝絕景無涯。擬報恩榮才不足。明月清風兩地秋。吟成幾度卷後續。

次韻伯行過素堂觀蓮竹兩絕

問竹慣王公。愛蓮學周子。風咏興無邊。心頭如活水。追尋蓮與竹。逢此逸人居。翁有子陵意。稚兒能釣魚。

和答安積子先謝贈梅花

酷愛籬梅稍報春。清香鎖斷九衢塵。堪慚取譬林逋。跡更敬能詩摩詰身。

來詩戲以孤山前身比愚。愚以君為輞川後身。聊報瓊瑤之貺。

釣釣記

次韻數原通玄自題容靜齋

蕭然環堵裏。坐來天地寬。勁節三竿竹。風度鳴珠玕。  
洞視葛洪洞。盤旋李愿盤。對卷多師友。亦無塵事干。  
真趣公獨樂。好詩人傳看。救病雖不遑。憑梧心自安。  
寸由與尺宅。靜養有何難。

過三朶花亭和王翁韻

石子文章玉走盤。華門更見簇金鞍。空囊工部風烟  
富。執戟侍郎天地寬。綠樹成陰占幽趣。清泉鑿暑煮  
輕寒。詩僧酒伴隨招至。大筆巨觥相與歡。

再和

澤邊芳脆摘盈盤。騷客過門應卸鞍。涼雨忽催雲影  
點。晚風徐至水容寬。芭蕉一葉報秋色。綠竹三竿知  
歲寒。緇素相逢雖趣異。新詩互賦得交歡。

和荅寺井清次郎遙惠詩丁丑歲

秋入江都涼色盈。山河安得敘前盟。四旬暮景無能  
事。二八年華有盛名。堪喜德音委鴈信。可慚酬和類  
蛙聲。東關千里豈言遠。知子難違膝下情。杜詩四十  
明朝迴飛

騰暮景斜。僕今年  
四十四。因稱暮景。

寄好青館主木下道圓先生

君同弘景藥生涯。境擬山中與俗離。園裏芝麻肥雨



後溪頭松桂秀秋時。閑亭有興留連酒。勝景無邊勾引詩。世功名非所羨。崆峒真趣復奚疑。

前日賦詩奉好青館主盟。王盟賜和稱揚過甚深。

懷愧報今日復賜和詩二篇。懇倒曲折謝辭曷罄。

詩中及福住道祐事。夫道祐者僕之親族且師也。

慨嘆益多。再次韻奉呈二首。

嘗思君子望天涯。無奈親朋惜別離。一朝相見發蒙。

後他日偏歡請益時。廣起疲癯千種藥。直疑情緒百。

篇詩。道香德色盈遐邇。高節清風誰用疑。

為仕遠來東海涯。傍人笑我比流離。多情初暢逢君。

處。貳事卻慚論道時。史館有勤唯捧翰。醫窓無暇豈

言詩。少年嘗學如松子。居業似渠更莫疑。貳事記王制曰。凡執

枝以事上者。不貳事。如松子。福住道祐號也。

好青館主再賜高和二篇。僕亦奉二一首。前詩羨

主人之高居。後詩嘆福子之不存。

百藥園中無際涯。縱橫成塢自分離。培根蒔子皆隨

土。摘葉採花各有時。辨味應須論本草。識名好是注

毛詩。桐君事業勤無懈。伊尹功名遂不疑。

浪速福翁生有涯。可憐泉路永相離。文章驚世老成

日。教誨諭吾年少時。跡效清貧陶令傳。辭欽忠義杜

陵詩追思往事淚如雨落月屋梁夢寐疑

好青館三又賜高和一首僕亦奉二一首

羨公胸宇浩無涯養得靈根交坎離藥圃壯觀三伏際書齋佳興百花時靜閑居鍾江山美佳麗地宜金玉詩通曉農經與犧易發明更解古來疑

頻締芳盟雲水涯異居心友不分離小生幸事文明

主大運方逢清泰時治病每因金匱語修身當復白

圭詩堂遊東海未成器趨謁深慙雋不疑遊海取謁出雋不疑

本傳

昨好青館三再依前韻投惠二篇俊逸捷敏無

由比喻僕亦次韻一首

人傑地靈東武涯名區自與俗氛離杏林鬱鬱愈痾處橘井湯湯救疫時秋月春花幾回宴朝輝夕霽數行詩屢來欲試園中趣卻怕傍人有作疑

聞風玄圃從東涯回視塵裏生厭離翻玉濃花敷錦地連雲灌木惹霞時安今思邈著方術好使洞賓題妙詩園裏縱然許人見須如李下避嫌疑聞風玄圃在崑崙見

道書

孰覽芳和多多益善一紙連三詩拙和止二章何酬厚情故復奉一首初慰喪室家次祝保清

福

細君命數有垠涯。可嘆人間愛別離。非啻秋風悲葉落。亦當春雨感芳時。破摧千思是何藥。摸寫百懷無若詩。浮世從來如大夢。輕舟一夜莫驚疑。  
泰來否往豈知涯。元吉應逢六一離。勉勵奉公陶士行。慇懃好客鄭當時。連生松樹晚存節。挺出蘭芽長入詩。嘯傲東軒占天樂。箇中清福不容疑。

好青館主賜和詩凡十八篇。僕和酬不足。故今呈七篇充十八之數。嗚呼主翁之惘篤。不知所謝。今摘其最初高和每句首字。以冠七首初句。

吁悲呼

聊奉謝萬一

其一 冠藥字

藥圃萋萋江北涯。縱橫萬徑曉披離。蜂翔蝶舞追芳氣。燕語鶯啼報暖時。嫩蕊葢濃花行薰袖。紺芽紅甲坐催詩。來遊恰似桃源路。陸地學仙君勿疑。

其二 冠可字

可想吳江萬里涯。凜凜義氣敬要離。偃風弱質悲千古。驚主佳名隆一時。清議豈因楊子辨。哀吟總入李仙詩。吾曹多病不堪事。寸志遂成何用疑。  
全用要離古事揚雄

法言李白詩皆載要離事

先生  
主

其三 冠滿字

滿目微茫武野涯。西山東海遠分離。朱甍碧瓦金城裏。瓊殿玉堂白雪時。盛宴互聞樓上曲。雅遊誰著畫中詩。康衢擊壤應後日。無鎖關門不著疑。

其四 冠繞字

繞屋芳花與罔涯。雲林本與市朝離。更聞羣鳥告佳節。坐見番風異四時。縱經從來因學隱。成蹊何事為求詩。乘閑欲効高陽醉。只恐招他世上疑。

其五 冠偏字

偏愛浮雲不作涯。霏霏靄靄附還離。怪看泰岳修封

日。想像楚山感夢時。來往無心協陶意。變遷入思促程詩。可知富貴非吾願。有道守真無有疑。

其六 冠且字

且看楓寫楚江涯。二月紅花再陸離。暖日已追夫勝景。晚秋亦遇此良時。錦林無處不佳興。文席難居奈惡詩。傳語風光留住我。重來莫作海鷗疑。

其七 冠成字

成大要知天地涯。論微不可少間離。問師何遠數千里。學道無怠十二時。畢竟誠身與明善。始終立禮且興詩。知新温古聖門教。多見多聞宜闕疑。

丙子之秋好青館木下大爺見示好詩僕不勝  
唱歎度呈七言一律押涯離時詩疑字大爺頗  
賜高和六十一首僕所酬不能至其半蓋非無  
閑暇才之不及也於是漫賦五言三十二韻奉  
謝厚懇

書齋晚寂寥憑几倦句讀門外剝啄聲忽驚南柯守  
菊所見惠詩對卷先盟漱遽爾動吟腸已律吐陳臯  
先生頻和來佳貺豕錦繡凡六十一篇絕妙殆天授  
金玉入韻鳴龍蛇上紙走高才懷華嵩麗藻羅辰宿  
百端敘歷遊摸景無遺漏中有悽惋言意緒自糾繆

又立正統論大友帝室貴符合我所聞細看陰移晷  
欲賡半未盈茫然賈不售此公老益健風姿應上壽  
結廬在藥園藥園真靈囿灌木鬱委翳羣卉蔓叢茂  
青黃隨燠寒花實示時候尋徑行行迷忘家處處逗  
俗氣坐輒消沈痼立能救仙方禁苗虫仁化馴禽獸  
好擬山中相謀道亦當就熟視世癡兒營營徒馳驟  
龔餐遊畏途殃咎還輻輳盍羨此林丘家貧道義富  
清濁涇渭分利名蠻觸鬪我嘗寓攝南親炙福道祐  
在彼慕德風恨無由邂逅天達我所思茲見元德秀  
一面便忘年再會都如舊祇今侍史筵文字事彫鏤

斜陽賴退休。時往醫固陋。冬日已淒涼。年華待大簇。

附 好青館王和韻

森子術業精。察句又度讀。常友管城子。相待玄香守。  
古以歷史汲芳俾。六藝漱擇交記。君子入室憶蘭臭。  
縱慣咬菜根。心錦與腸繡。已具生質美。豈因如松投。  
看議鄭玄婢。有知司馬走。非獨胸麈書。應羅廿八宿。  
攝事彰考館。修史補罅漏。正名多發明。析理寧差繆。  
曩示致遠句。千載值王曹。篇篇不釋手。吟哦忘昏晝。  
漫酬六十一。匹似醜無售。真贗藥混殺。誤投損人壽。  
區別欲識名。屢論問上囿。風香傍花垂。林青愛葉茂。

就

近聞有公命。水戶移家候。肱折十全譽。情多幾年逗。  
此去雖情多。民命巨遠救。曾知上公德。恩普及鳥獸。  
何況聞達人。騰騫待功成。預知苦餘寒。向北馬載驟。  
財阜大藩地。工商四海輳。能守原憲貧。

何求子貢富。直教思無邪。不用戒在鬪。乞憐舉世是。  
離趾自天祐。老吾衰殘身。外前奈邂逅。重賜長篇奇。  
博雅逞才秀。意味逾深長。工夫猶刻鏤。嶮韻集難和。  
遲鈍押仍舊。贈行爭餞言。從來惡謫陋。空負此地春。  
出土萬物族。

中村伯行見示詩述感懷呈之 巳卯歲

醉吟諷諭白居易佳句忠誠杜少陵五七言辭含警策百千題詠見勸懲此心今世亦難得其味古人之所能示我敷詩堪感發聊成四韻寄高明

再呈伯行用前韻

講學論文無外事安心不受物侵陵研窮功積業當進中正道存邪是懲瓊牖豈將吾比病詞壇孰與子爭能平生詩思久秦塞今日唱酬欣得朋

中村源五見次韻僕呈嚴父詩采詞燦然句法

卓爾再和申謝

東海文華似周室西山仁澤比丹陵勸經只要羣民

化。修史更令百世懲。恥我不才兼不德。羨兄多識又多能。箕裘傳業事明王。天祿定知錫百朋。

公譙十四

春日陪史館宴謹奉和

相公尊韻二首丙寅歲

其一

春雨後園中。岸花轉暮風。雅筵飛逸興。麗藻見神功。

其二

班班春雨中。陣陣送花風。史院回盃處。仰看遷固功。

風靜花香

陪公宴同賦

十分擎玉映清池。麗日粧成絕艷姿。風力微時佳興

滿。芬芳入幕釣新詩。

環景樓賞月

二首戊辰中秋

江上今宵宿雨收。乍晴三五滿輪秋。水樓一樣浮金影。疑是廣寒宮裏遊。

三五良宵萬里晴。憑欄吟著一般清。雅遊不換西湖興。幾首好詩金玉聲。

奉和舟中韻

陪宴碧流中。落霞盃影紅。催詩西嶺雪。解醉暮江風。奉賡後樂園卽興韻

日暖風輕後樂春。吟遊好是輾香輪。雲頭涵影開明

鏡花片點苔敷錦。茵奇樹怪巖連。勝景長橋高閣絕。纖塵白櫻雖謝紫。滕在詩興無時不悅人。

陪公讌賦雪題得素性

時以歌仙三十六人分配題詩。僕探得素性以

性爲韻

天降上瑞百方慶。萬壑千峰玉相映。世如大素淨無塵。寂寂春亭頤我性。

侍梅閣宴謹奉詩

真矣此新堂。梅花表德香。檻前殊聚景。閣上鎮含涼。遲白千春樂。簾霞萬歲祥。微臣恭侍宴。獻壽酒無量。始侍欽亭



亭容多景有餘欣。雖慰目前心。在欽陪席喜逢虞舜日。好修禮讓事吾君。

九月十三夜欽亭題酌故鄉月得十字

團團金影露華濕。豈料今宵在鄉邑。金樽共酌情彌親。不覺盃籌經幾十。

謹汚題芙蓉尊韻

嫣然百媚向陽披。玉面朱唇大掖枝。誰道芙蓉寒不耐。瓶中競美入高詩。

陪君子舍奉和題紅葉嚴韻

春至花成錦。秋深葉布茵。關關洲上鳥。潏潏葦間鱗。

掖恐液

丘壑聚多景。松杉遶四隣。吟回君子舍。好駕小車輪。

垂絲櫻下即興

籠日奪霞粧。色濃垂柳萬縷玉。玲瓏織歌更奏行雲。過好倒金樽。坐晚風。

翠岡花下即興

勝日問櫻花。花濃倚水涯。數株連壁玉。一樣奪烟霞。繞朵黃鸝轉。護英粉蝶遮。題詩翠岡下。逸興晚來加。

陪後樂園得草字

衆芳爛熳春未老。鶯歌蝶舞開懷抱。後園今日許遊觀。吟賞坐花又坐草。

陪後樂園得有字

樂園楓老三秋後。溪邊坐葉思。煖酒試求題句。句難成。錦樹繡林景別有。

後樂園賞花得村字

白櫻爛熳照林園。微雨時濡玉露繁。相對慙慙求句處。風流想見浣花村。

後樂園卽事

山櫻捲雪岸桃緋。細雨單香透客夜。後樂園中花世界。吟哦終日坐忘歸。

九月二十九日陪中興雅宴同賦松菌羹用洪武正韻

衣

西山松菌大如盆。芳氣清姿絕等倫。坐上黍嘗仙室賜。人間喜遇肉芝珍。

奉塵 西山公遊城南亭速回駕歸西山嚴韻

園林可恥不留歸。花謝風光奈已非。應是西山仙室下。烟霞迎駕賁岩扉。

丁丑閏二月念日 西山公賞城南亭梅賜宴

諸臣謹賦小絕云

中庭一樹百花魁。萬斛龍涎薰殿來。君子此時同衆樂。滿堂恭獻紫霞盃。

孟夏念九日從 西山公駕觀種田

涎

雨順風調播種時。稻苗穗穗植成宜。我公來莅田畝喜。賜宴勸農德普施。

陪公宴納涼得西字

翻玉飛泉響澗谿。沾衣空翠適幽栖。芟籠樹下堪忘暑。更有金風自我西。

題靜壽軒 丙戌歲

景光入畫好山阿。靜壽軒前奈興何。占得仁人無限意。雅筵與衆樂相和。

詠學十五

家君賜詩欽奉和韻一首 丙午歲

慈誨平生勸此文。何時進學得餘欣。一詩猶勝萬金賜。二復白圭日夜勤。

獨向窓前誦古文。手書時至正歡欣。至人一句銘肝肺。從是著鞭須早勤。

次韻松永昌易先生講莊子 己酉歲

閑餘爲覺利名非。講說真經剖細微。蝴蝶夢中皆物化。翰林妙句是天機。

將省觀呈冒易先生

旅身唯念奉晨昏。明日辭京歸故園。几上義經難理會。春來相待講乾坤。

和答鹽深子

饑寒若道非天命。原憲何為稱古今。衣褐懷珠君子德。中時只要惜分陰。

觀射

定志慎身不早忙。百發百中驚射場。心頭毫釐存他事。失去侯邊數尺強。

燈下會松風洞論文

閑窓淨几結良朋。相對通宵禁曲肱。可見古人勤學志。聚螢映雪換青燈。

冬日聽白井宗因講神書友生有途中作押其

韻呈宗因

蚤出蓬門外。家家開半扉。風來鳴瓦缶。雪落點裳衣。往學何言遠。近思益覺微。將興伊勢傳。妙解世間稀。春日在講習堂講大學承昌易先生教正時昌琳子見示一絕奉和其韻

閑居偶懷

博學求知道大綱。古今得失可商量。過高見解還馳散。真實工夫自久長。修傳縱存元凱癖。放言何用子

休狂紛紛後世無根蒂千載望風朱紫陽

又用前韻

百家紛冗竟無綱道學先須大器量繁地議論文理亂閑來熟讀意思長區區泥語皆喪志蕩蕩棄詞甚致狂評品後儒何有益孔門只仰德春陽

讀大學

聖遠言埋亡這理運移幸見程朱起假令聖人得再生格物致知如此耳

讀中庸

仲尼沒後學殆滅非聖孫興誰得說河洛再尋千載

埋

傳中誠說得初親切

感懷

道學由來求我軀何論隨陸又隨朱莫追外物多方去須就自家心上需日用勤成無懦弱平生卓立有規模聖門著力宜如此寄語吾黨大丈夫

讀詩

優游渥泳思無邪三百餘篇正且葩養得性情真可樂國風雅頌屬吾家

觀易

萬物靜觀天理存王公百姓一乾坤益損消長陰陽

涵

道始復往來變化門舜禹孝仁宜命位湯文忠實好  
居尊毫端私意若萌此人欲紛紛何足言

言志

命哉出處與窮通君子歸時守正中富貴無淫因道  
義饑寒不動是英雄能居恭儉漢文帝直納忠良唐  
太宗今日聖朝何退隱不才應慙居斯躬

閑居書懷 二首

天地由來義與仁何須向外困心身學庸語孟及周  
易往古來今道脉真  
據德依仁道學成隨磨珠玉發光明友賢師聖無他

先生書  
屈

事千里流芳有譽聲

贈渡邊正勝丈

並序

渡邊矩正雅丈之弟正勝自遠州來過高槻余甚  
感其少壯存丈夫之志弱冠馳兵術之名聊賦野  
詠遺之

壯士何勞取遠途翱翔藝館意尤殊讀書舞劍元無  
二合一修成大丈夫

答問政

有人問我政我答不多言一部春秋法效之識聖源

詠大學十一首

庚申歲

三綱與八目。童子所誦讀。勤行最為難。平生慎我獨。

明明德

湛水靜時明自臻。黑雲晴處景彌新。能除心內垢塵。去初見唐虞。上世人。

新民

憐見人心迷路多。使知吾道竟如何。用賢好學民歸德。遍化存神豈有他。

止至善

淇濱某竹丘隅鳥。物得其居是自然。君子安棲仁宅。

裏小人錯趣異途邊

格物

堯舜之仁周孔教。聖賢遺策可常效。從容自得樂无窮。未徹理源空噪鬧。

致知

月白風清佳節夕。鳥啼花落暮春時。盡心觀物須深感。明德新民在致知。

誠意

岐行喙息具茲心。人最英靈異獸禽。靈靈四端宜莫蔽。至誠不已鬼神歆。

正心

正直工夫修得難。賢愚分出此機關。不知大道為偏僻。有反中庸是異端。

修身

少年學道問明師。唯患非才未達辭。求得放心能辨禮。偉哉與汝發良知。

齊家

父慈子孝守天經。夫唱婦隨保地貞。穆穆堂堂君子會。可慚向外作非誠。

治國

三代盛衰良可鑑。姦邪為毒甚於劍。能勞吐握必禎祥。若著宴安終覆陷。

平天下

利為不義義為利。大度寬仁邦易治。安不忘危富不驕。中時行道是而已。

講論語 應橫山左門元知之需講論語

二萬三千珠玉言。解從朱注靡餘論。勸君勿止通文義。克己工夫須操存。

講道德經 並序

傳法寺藤原直房來請講道德經不遑固辭乃說



些皮膚了。直房詠和歌投示。余賦詩酬之。二一首  
舉世有才多伐功。不知棄智德無窮。勸君欲達青牛  
教。勤行無忘守道冲。

不恃不爭天德存。謙卑柔弱道愈尊。彼玄何用遠求  
去。復命卽觀衆妙門。復命出老子

題儒本草 並序

今井將興著儒本草。議論正大。規模宏濶。筆力強  
健。意思細密。形容儒者之道體。掃除衆人之茅塞。  
是卽訂頑砭愚。誰不痛快。可謂世不可無此篇。人  
不可不讀此文者矣。予侍于史館之暇。本其絕作

之意聊賦短章云尔

世間諸藥物。醫體未醫心。儒草令人聖。永傳醫古今。  
用之能恭已。棄者不如禽。君子述功效。此文亦可珍。

和懋齋人見子傳元日試筆彰考館

喜見文場久換符。筆鋒無敵比湛盧。四朝具載無遺  
脫。長使英雄枯骨蘇。時與余修一條六條高倉  
安德四代本紀故語及此

歲餘讀書

書齋寂寞暮冬天。憑几終朝對簡編。梅笑雪狂總不  
管。友賢師聖意超然。

和竹洞人見友元先生韻

歲寒窓外曉霜深。居業何論短景陰。頻執韋編私玩味。當頭見得聖賢心。

詠學行 丁丑歲呈伊藤執政

學問與修行。本一而未二。利鈍屬氣稟。魄強則能記。聰明雖絕倫。許才不許志。自古多才人。平生動失義。夫義何為者。道心為將帥。內省克吾私。百行由良智。慎獨用工夫。可得君子類。溫公與荆公。博學不可毀。一能化邦家。一乃謬政治。其幾差毫釐。相去穹壤異。唯幾微乎微。學者要誠意。切須知我短。磨礱至精粹。伎藝超越他。矜高損其器。富貴達青雲。不知遭禍祟。

崇崇訛

寄語修道客。勉勵莫放恣。

冬夜書懷呈伊藤執政

魯齋讀小學。敬之如鬼神。說王輔良政。開邦是元臣。此書成於宋。宋時何不伸。宋被小人誤。君子罷經綸。可惜久韜晦。還為異代珍。魯齋又勸王。效漢維命新。嗚呼三代後。兩漢紀綱存。邦體本強固。人物多朴淳。其後衰弱繼。雖富而道貧。夫夷之有禮。勝夏之無仁。仁者誰相敵。到處槁木振。六藝樞機具。克用功效臻。若彼王安石。弊政害生民。漫解先王典。便使聖言湮。文章亦小伎。杜韓皆自云。泛然徒玩弄。卻怕有所損。

勵恐礪  
擢  
學  
學  
學

幸

學如觀畫馬行如騎馬真幾回磨控得龍驥遂可馴  
美璞不磨礪豈異夫珉珉學者須磨勵備嘗世難辛  
勞役思禹稷安樂希顏閔獨行慎屋漏入荒在門闥  
寄語吾黨子努力及古人寒夜耿不寐腹稿記明晨

呈中村伯行 井序

中村伯行一日教誨于僕親切允當古所謂直言  
極諫者豈不再拜謝之哉卻懼納諫而不能充行  
之行之而不能遂其末於是謹矢蕪辭奉謝萬一  
冀他日無倦啓沃大幸至幸

村子直諫我能指我病根我病支離業君教守約敦

忠告與善導幾回拜昌言既知爭為益阿順即是損  
夫行榮辱機惟口禍福門多語非誠實雜事徒勞煩  
儒醫勤亦大衆藝何遑論人生有職分尸祝不越樽  
若代大匠斲傷手患瘡痕才短未見是豈得效忠魂  
讀書成此癖志在濟黎元勸他期富庶內顧一不存  
警誠介于石感通信及脉昔者屯難世賢人藏田園  
祇今清泰日俊傑居榮尊願吾積善久餘慶報王恩  
過山家  
遠樹杳靄處衡宇兩三間我欲往觀彼跨馬過丘山  
徐行更覺遠急進亦知難無倦唯行道到著初解顏

是知疆不息。聖域遂可攀。久磨玉發耀。久修人除頑。  
可憐功虧者。猶同半途還。寄語吾黨子。匪懈入儒關。

詠史詩

家塾惜移晷。起予是簡編。慨歎丈夫志。溝壑豈忘顛。  
幾人終版築。復當老釣船。出處義爲地。隱顯命屬天。  
孔明見劉備。周瑜遇孫權。張賓與石勒。王猛輔苻堅。  
非唯士有才。總因主好賢。容諫禁放恣。撫民垂哀憐。  
恒心在政治。此君介福全。無罪賜貶戍。讒諛用事專。  
昏荒致如是。取亡固必然。中原失其德。戎狄起四邊。  
曾見夷有禮。絕勝華多僊。宴安噫鳩毒。亂賊蕭牆前。

勿謂古事已。今恐後世傳。嗜慾天機淺。外誘其內遷。  
一心發善惡。相去越與燕。漢文及光武。李唐太宗篇。  
明哲宜爲法。天祿保永延。沂流求至善。堯日照舜田。  
次韻三木成蹊有所思

浮世如雲又似萍。古人知分薄功名。春華秋葉都休  
管。義理工夫養性情。

詠物十六

次韻松風洞寺門詠松 己酉歲

陶令昔栽門外松。莓苔半沒舊時容。崢嶸枝葉聞啼  
鳥。蟠蛇根株見卧龍。風冷琴音鳴殿閣。歲寒碧色映

雲峰。一樽清酒無塵思。忽動詩情。月下鐘

題王質圖

朽爛斧柯歸去遲。百年歲月一杯棋。遊山畢竟知無益。日暮採薪尋舍時。

鹿

脩角斑毛住碧崑。千年長壽伴彭咸。呦呦呼友三春草。贏得頰塵垂兩銜。

七月七日六角堂觀瓶花

衆花摘得列高堂。直幹橫枝簇衆芳。箇箇風流驚客意。天天和氣怪春光。

蘭花

蓮花已落菊花遲。汝獨玲瓏秀一枝。芳氣勁標誰得比。丈夫操節要如斯。

題相國寺池蓮寄長元通

亭亭獨立自無羣。池上清風香遠聞。花下夏欽君子德。何人周後續名文。

題高槻城中畫鹿壁

呦呦聲何處。四壁鹿成羣。蔓草唯敷綠。明花不帶芬。安眠閑偃野。驚走或騰雲。顧凱入神手。誠堪慰政勤。

題細川宗仙池上荷花 辛酉歲

掖恐液

出泥離水自鮮明。不蔓不枝風骨清。消暑不須金氣  
至晚涼偏屬綠池英。

園櫻

濃豔數枝驚四隣。明粧一片壓三春。若非太掖池頭  
子。卽是雲夢臺上神。

題便面橋下隻履

孤橋高架徑路幽。隻履下來誰得收。躬作帝師興漢  
業。昭昭千古下留侯。

遊東叡山觀櫻每句用和歌意

未寒何雪四林填。古歌云佐久羅知留古能之多加  
勢波佐武加良天曾良仁志羅禮

伊當作由

奴由幾曾東叡櫻開。三月辰携杖來看山寺夕。也末  
不利計流伊不久禮幾天美連盤以挿頭閑擬大宮  
乃波流能加祿耳波奈曾知里計留登未安翻風片  
里阿比能加祿耳波奈曾知里計留登未安翻風片  
人禮也左志幾乃遠保美夜比登盤伊登末安翻風片  
片無心散。余志寸古乃比加利能登計幾波流乃比  
映日枝枝染色新。里仁計毛美奈久波奈能知留羅牟  
乃阿計碧柳交梢如錦處。羅遠已幾滿世天美也古  
保農計乃仁之芬芳想得九重春。乃美也古能也惠  
盤波流乃仁之芬芳想得九重春。乃美也古能也惠  
幾奈利計流之芬芳想得九重春。乃美也古能也惠  
佐久羅計不古古乃惠  
余仁保比奴留加奈

題板垣宗愴庭櫻

肆筵花下寄吟身。絕艷照來方惱人。直羨詠歌延數

日何須製賦惜餘春詠歌延數日我朝櫻町中納言成範故事製賦李白集有惜餘

春賦

團扇 陪公安

間弄齊紈書閣中清如水雪起微風不惟三伏消炎熱一麾六師軍有功

題東臯心越禪師畫四時富士山

雪嶺衝天負出羣四時屢見變風雲煙霞始彩陽春曉靄雨新晴暑日曛月照孤峰銀耀耀霞飛大麓玉紛紛異鄉禪客茲遊目妙畫工詩兩可欣

佛手柑 應公命

嶺南奇果發天香初時綠色後稍黃不只北人所稀見古來未聽出此鄉遐方異域豈易得鴻鵠含實渡大洋厚皮如橙又似瓜磨瑩潤澤甚芬芳龍腦麝臍其無及悅可衆心佛手長貯盛筐筥薰衣袖浣澣葛紵勝酸漿醫家喜用除痰水美質最好具文房出時錫貢有橘柚一種佳品何遺忘楊妃為味求荔枝不問香櫟事可傷嗚呼世俗誤稱日傳唱佛手使馬郎聞廣珍貴掌中玩祇今四海太平祥我君德輝被殊土可比白雉自越裳

驢 七言每句用韻應公命

此物從來產衛地。奔濤直指蓬壺。至天性沈雅且平易。形質和柔可馴致。高音豁眼靈表備。巨身脩尾骨相異。數爲詩人所按轡。長壽得仙老猶駛。雪中尋景好。單騎助吟催。興最絕類。縣令勃怒。李白醉。藝祖隆起。陳搏墜。嘗恠變化入巾笥。誰封盧公作文戲。馱負耐勞不顛躓。不齧不踣。德似鱗。倒畫坐槽兒。啼已。况又一眼反曹治。爰有盪泉流。泌泌豐草綠。縛可以食。今茲生字喜。聯字蕃。殖本因仁恩被。

晚冬日過時杖丈家觀瓶花

老松寒菊交垂柳。馨弟梅兄挾水仙。瓶裏飽看四時。

景留賓勸醉小窓前

後樂園紅楓

淙霜幾樹楓。爛熳後園中。蜀道千重錦。吳江一樣紅。只疑霞映日。卻恐嶺生風。冬景回春色。都歸青女功。孟冬念五與篁溪中村伯行往觀海晏寺紅楓。

賦卽興呈伯行

城南楓樹傲冬初。爛熳紅黃花。不知篁溪雅儒聽。無寐投簡走奴來。倡予路經碧浪駕扁舟。我自坦途乘竹輿。水陸異行君莫訝。扣過處處地仙居。聞說平生喜白鷗。底事今朝觀楓錦。豈從題葉艷情流。應愛冒



霜義氣凜已。到海晏驚。熒赫信矣。當時稱名。品楚岸  
吳江一併收。蕭蕭野寺好。會飲岩邊對立。欲振毫林  
下徘徊。思煖酒。洗滌塵痕。其寂寞。道遙物外。樂悠久  
吾性固無詩語工。之子獨有陶謝手。誰道暮鐘忽促  
歸。紅霞相映在山後。

海晏寺紅楓

野寺霜楓動。詩興幾人坐。愛為停車。織成錦繡滿林  
杲。淡出胭脂二月花。晴輝斜射西山日。絳色遙連東  
海。霞驚見。高雄秋後景。巨靈一夜置天涯。

伯行時携今郎舟行賦五言律投示卽次其韻

鯨鯢記

尋楓城市外。遙入浦雲邊。驥子從長渚。鯨生逐暮烟。  
竹輿經紫陌。野艇坐青天。到彼望霜葉。風飄錦滿川。

題金剛翁他山石

何日他山石。飛來君坐隅。麗鮮須代畫。堅實好攻珠。  
奇峭天成骨。淡粧雲作膚。鶴鳴章可誦。修省學堯夫。  
新草得中字

原上春回占暖風。千般香色寸苗中。祇今殘雪抽紅  
甲。他日濃烟罩綠叢。

角田川上藤花

爲問岸藤遊。角田落霞飛。散暮春天。竹間唯見垂瓊

玲萬縷千絲將繫松

柳帶露

翠袖留入半畝塘。細腰嫋娜舞姬妝。露華暗結枝初重。蓓蕾垂絲誤海棠。

次韻月坡和尚獻秋日梨花 應公命

玲瓏一朵發春香。秋苑忽驚回暖光。恰似復臺時一現。正知為法獻華堂。

水戶史館梨花 陪公宴

朵朵興雲映翠微。溶溶舉月吐芳菲。梨花飽占三春色。文苑自添一段輝。

水戶城中雲林櫻 陪公宴

一樹雲林香遠勻。明粧絕艷惱吟身。對櫻何用遊芳野。雲簇雪堆城上春。

白藤 二首

樹上垂珠千萬絲。恰如瀑布掛蒼崖。茲花豈啻添佳興。一洗塵勞清入詩。

白藤高掛照金城。島島垂風玉藥清。櫻散桃衰春不盡。千絲今日惹詩情。

水戶城上紫藤 得蒼宇

紫藤爛熳貴城陽。雲想冠兮霞想裳。花壽應期保千

歲平生依附老松蒼

又題

爛熳藤花次第開。霞疑雲過望奇哉。一團紫氣城門上。應有老君乘興來。

水戶史館紅楓

霜後驚看藝苑死。楓臙脂染出萬重紅。夕陽相照尤烘赫。書牖應欣繼晷功。

過淺羽。四家觀牡丹。得輕字

濃艷數枝含露重。天香一樣逐風輕。徘徊吟行疎籬下。靜對新妝思洛城。

先生書傳字

千鳥

翔沙戲浪幾成羣。呼友聲聲徹海雲。憶昔呢喃過澗路。須磨關吏攬眠聞。

迷乃須麻乃世幾毛里

春雪

寒殘六出幹冬回。林外轉狂舞絮來。自為和風被吹卻。池塘終日不成堆。

海鱸 壬申春往那珂港前崎觀焉

浮浪黑山涌噴潮。黃霧颺漁人爭進艇。力士驟投槍。鱗肉千鈞重。回腸百丈長。只疑鯤未化。流落著東洋。

先生書噪字

幹

呢喃小鳥

旌櫻寺櫻得櫻字

香雲捲起萬枝橫。白雪成堆留老鶯。陣陣輕風飄素練。義家遺愛屬旌櫻。此寺源義家舊跡故云

萬固山天德寺白藤

萬固山中風靜時。白藤縷縷釣新詩。更疑瓔珞墻頭繫。又見念珠林下垂。

蓮華寺海棠

三樹海棠照法筵。朱唇暈臉笑嫣然。花追佛教東漸跡。西蜀飛來蕭寺前。

水仙花 侍公讌

先生書佩字

瑩瑩金盞映銀臺。德色道香無點埃。河伯充餐得仙骨。獻君將比紫霞杯。

牡丹 二首。應公命

天然富貴百花王。麗日靚粧雲錦裳。紅綴珊瑚白攬玉。檻前相映入霞觴。佩  
濃艷豪華絕比倫。紅衣玉佩淨无塵。一叢富貴天工賜。且喜餘芳薰此身。

次韻堀田宮內詠荷花

芙蓉新發映陂塘。一鏡風漪五月涼。唐律吟成呼筆硯。俗謠興至引壺觴。淡粧婀娜玉簪女。淨植玲瓏白

面郎自異餘花應藝玩唯觀德色遠聞香

楓林

楓林斜日幾吟回相映珊瑚枝上堆影入深池涵錦  
繡前程直縮蜀江來

後樂園垂絲櫻押白井兄和歌末字

垂櫻爛熳占青春細雨斜風逸興新日暮迷途君莫  
訝千絲萬縷繫詩人

後樂園櫻

映山移水後園櫻萬朵吹香過客驚寒去卻疑瓊雪  
點春深更怪白雲橫老松偈竹爲回護艷李嬌桃豈

競爭相望不知微雨濕真成摸索寫詩情

月

千里揚輝霜雪寒幾回矯首倚欄干朗吟飛蓋橋頭  
詠緬想湧金門外看磨鏡轉盤何盡譬運斤竊藥是  
知謾良宵聊傲先人意醉裡操毫忘夜闌飛蓋橋歐陽永叔有

詩湧金門蕪東坡所題

題昇仙石

雲鬢玉帽立崔嵬水雪相輝上下堆洞口猶看仙窟  
在蓬萊片石此飛來

次韻安積子先題史館櫻花

捲起香雲一樹櫻。風收雨歇晝分晴。彰考館中修史席。更爲名花筆陣成。

彰考館櫻花 得度字

倚崖櫻花照藝圃。日暖風和香雲布。片片飛來修史筵。流芳千歲薰風度。

螢 得一字

室

飛螢映淥池。耀耀二耶一。詩客爭吟看興在。讀書室

染井村躑躅花

映山照水帶薰風。珠琲玲瓏闕紫紅。往日唯聞羊躑躅。今驚異種百般濃。

先生書  
室字  
淥池綠

題延命院櫻 戊寅歲

偶從佳客歷郊村。延命院中櫻雪翻。相對清香醫病眼。卻愁妖艷惱吟魂。

題染井村紫藤

得清字。時從西山公駕

蒙茸紫縷庇檐楹。風撼似聞環珮聲。莫道先柔爲後害。門容華轂草堂清。


三木成蹊賦。廷松遠見示酬。以巴律贈江都郎

用洪武正韻

老松百尺四時青。恰似男兒志操貞。嚴雪不凋遲奇骨。浮嵐自動協商聲。物其美質遭羈絆。人是良才累

寵榮。樗櫟無能真可羨。蒼髯未免植階庭。

儼塾集卷之九終



*Faint, illegible handwritten text or markings.*

